


SANGO – “The Two Roads”

LÈGUÉ AYÈKÉ OSSÉ



DIKO LÈGUÉ NI SO MO YÈ TI GOUÈ DA.

Tonga na ani yè ti gouè na mbèni ndo so ani dè ani si da kodjoni pèpé, ani hounda lègué so ayèké ndjoni aho ti kamata. Lé ti ani aba ndo si tonga na ani glissa' tâ' lègué ni, ani kiri ti gui ni.

La' na la' mbi na mo ani yèké tambela na sessé so ti gouè na ndo so fadé ani yèké douti da tètè la' kouè la' kouè, na lègué ti djia ndo ni so ayèké pèpé. Mo hinga ndo so mo yèké gouè da?

MBÈTI SO AFA LÈGUÉ.

Nzapa, na lègué ti ndoyè ti Lo na bè-ndjoni ti Lo, amou na ani Mbèti (Bible) ti fa na ani tâ' lègué ti si na yayou. Tèné kouè ti brochure so aloudou na Mbèti ti Nzapa. “Tèné ti Mo ayèké lampe tètè guèlé ti mbi, na lumière tètè lègué ti mbi.” (Psaume 119:105).

KOTA LÈGUÉ.

Ajo mingui atambela na lègué so. “Lègué ti gouè na ndo-ti-oua ayèké kota na yanga

ni ayèké kota, na ajo mingui ali na lègué ti yanga ni so.” (Matt. 7:13).

Lé ti ambèni mingui akanga. Ala hinga pèpé ouala ala bi bè ti ala da pèpé so ala yèké na lègué ti si na oua ti la' kouè. “Mbèni lègué ayèké so ayèké ndjoni na lé ti jo, mais nda ti lègué so ayèké lègué ti si na koui. (aProv. 14:12). “Ala so ama na bè pèpé, nzapa ti sessé so (Djabalo) assala si bibè ti ala aga ziba.” (2 aCor. 4:4).

KOTA KOUNGBA.

Koungba ti **siokpari** anè ajo so atambela na lègué so. “**Ajo kouè assala siokpari aoué**, ala lingbi na gloire ti Nzapa pèpé.” (aRom. 3:23). Ani lingbi hondé même siokpari oko na lé ti Nzapa pèpé. “L'Eternel aba yé pèpé tonga na so jo aba yé, tètì jo aba lè ti jo, mais L'Eternel aba bè ti lo.” (1 Samuel 16:7). **A kanga koungba ti ala na pèko ti ala na chaine.** Mbi na mo, ani yèké na ngangou pèpé ti lounguela siokpari oko ti ani. La' na la' koungba ti ani anè mingui aho, mingui aho, na “fouta ti siokpari ayèké koui.” (aRom. 6:23).

KOTA MBANGA.

Gnèkpa so mo ba na ya photo afa na ani tènè ti **mbanga**. “A diko na jo ti koui lègué oko, na pèko ni **mbanga** aga.” (aHéb. 9:27). “Mbi ba kota voulou trône na Lo so adouti na ndo ni, ... mbi ba aouakinda, akètè jo na akota jo, ala yèké louti na gbèlè trône so; na a lounguela mbèti ndè ndè, na a lounguela mbèni mbèti so ayèké mbèti ti fini. Na A fa' **mbanga** ti aouakinda na lègué ti yé so a sala na mbèti ndè ndè so, alingbi na koussala ti ala ...tonga na A ouara iri ti mbèni jo na mbèti ti fini pèpé, a bi lo na lac ti oua.” (Apoc. 20:11,12,15).

KOTA OUA.

Nzapa ayèké ndjoni-kouè na Lo fa' mbanga mbilimbili, tètì so si mbanga ti siokpari ayèké. Mbèti ti Nzapa afa na ani oua ti la' kouè la' kouè ayèké tètì ala so ama Nzapa pèpé. Mbèti ti Nzapa aténé, “Fadé ajo ti sioni agouè na ndoti-aouakinda, même amara kouè so aglissa Nzapa.” (Ps. 9:18). A yèké gui ajo ti sioni so agouè ka pèpé, mais ala so aglissa Nzapa.

Mais Nzapa ayèké Nzapa ti ndoyè nga, “Lo yè jo oko akoui pèpé, mais Lo yè ajo kouè achangé bè ti ala.” (2 Pierre 3:9). Na lègué ti kota bè-ndjoni na ndoyè ti Lo, Lo lèké **lègué tètì ani ti si guigui tonga na ani yè. Mo yè ti ouara lègué ti fini?**

LÈGUÉ TI FINI: SAUVEUR

Lègué ti ani ti dji ani mvèni na ya siokpari ouala na ya mbanga ti siokpari ayèké pèpé, tètì so si **Nzapa ato Sauveur** ti sau ani. “Tètì Nzapa andoyè sessé so tonga so, Lo mou Melènguè ti Lo guènguèlé oko, si jo so ama na bè na Lo alingbi koui pèpé, mais lo yèké na **fini** ti la' kouè la' kouè.” (Jean 3:16). Nzapa Baba ato Melènguè ti Lo guènguèlé oko, Jésus-Christ, na sessé so; Lo ga Jo mais Lo sala siokpari pèpé. Lo sala koussala ndjoni; Lo lounguela kobèla, Lo touna ayingo sioni, na Lo fa Nzapa na ajo.

Mais a ho yé kouè, Lo ga Jo si Lo lingbi koui tonga na sacrifice tètì ani kouè; Lo mou fini ti Lo, na mènè ti Lo assa na sessé ti fouta tètì siokpari ti ani. Lo dji lègué na ajo ti sioni ti kamata Lo na ti sé Lo na chicotte na ti kou soro na tèlé ti Lo.

Ala dja couronne ti ki' na li ti Lo na ala kanga maboko ti Lo na pointe na kèkè-ti-croix. "Lo yo siokpari ti ani na tèlè ti Lo mvèni na kèkè." (1 Pierre 2:24). Lo kouli ka tètè mo na tètè mbi.

LOUNDOUNGO TI LO NA DOUKOUA'.

Na pèko ti la' ota, Jésus aloudou na dou-koua' aouè. Tètè la' balioussio lo tambela na lo sala tènè na adisciple ti Lo, si Lo kiri na yayou ti douti na koti ti Nzapa Baba. Baba ti Lo amou na Lo "ngangou kouè na yayou na sessé." (Matt. 28:18). "Tètè tènè so nga, Lo lingbi sau ala biani so aga ndoulou na Nzapa na lègué ti Lo, tètè Lo ngba na fini la' kouè la' kouè ti sambela tètè ala." (aHébreu 7:25).

YAYOU.

Yayou ayèké ndo so Nzapa adouti na ya gloire ti Lo. Seigneur Jésus atènè, "Mbi gouè ti lèké ndo na i. Na tonga na Mbi gouè na Mbi lèké ndo na i, fadé Mbi kiri na fadé Mbi kamata i ti douti na tèlè ti Mbi, si na ndo so Mbi yèké da, i lingbi douti ka nga." (Jean 14:2-3).

Yayou ayèké tâ' ndo ti ndjoni aho, ndo so Nzapa "ambo' ngoulé kouè na kouli ayèké mbèni pèpé. Voundou ouala toto, ouala sana, ayèké mbèni pèpé tètè kodjo yé ni aho aouè. Fadé bi ayèké mbèni pèpé: ala yè lumière ti lampe, ouala lumière ti la'pèpé, tètè fadé Seigneur Nzapa ayèké lumière ti ala ..." (Apoc. 21:4; 22:5).

Yayou ayèké ndo ti ndjoni-kouè. "Yé ti sioni oko alingbi ga na ya ni pèpé, ouala lo so assala yé ti sioni mingui, ouala lo so assala vèné; mais gui ala so A sala iri ti ala na mbèti ti fini ti Melègué Ti Ngassangbaga alingbi ga na ya ni." (Apoc. 21:27).

Mais lègué ayèké **gui oko** ti si na yayou. Jésus atènè, "Mbi yèké Lègué ni, na Tènébiani na Fini. **Jo oko aga na Baba pèpé, gui na lègué ti Mbi.**" (Jean 14:6). "**Salut ayèké na ya mbèni jo oko pèpé; tètè mbèni iri ayèké na gbè ti yayou pèpé** so ayèké na popo ti ajo, so ani lingbi ouara salut na ni." (Kou. ti Abaz. 4:12).

ANI SI NA LÈGUÉ TI GOUÈ NA YAYOU NA LÈGUÉ GNÈ?

1. "I changé bè ti i, i ma Tèné-ndjoni na bè." (Mark 1:17). Ti changé bè, so atènè, ti kè siokpari ouala ti dja siokpari na ti ga na Nzapa na bè-biani.

2. **Ga na Seigneur Jésus-Christ** na kougba ti siokpari ti mo kouè na hounda Lo ti pardonné siokpari ti mo. Jésus atènè, "jo so aga na Mbi, fadé Mbi dja lo na guigui kètè pèpé." (Jean 6:37). "I ga na Mbi, i kouè so i sala koussala na i yèké na kougba so anè, na fadé Mbi mou na i lègué ti ouo tèlè." (Matt. 11:28).

3. **Dja bè ti mo na Christ oko tètè salut ti mo.** "Mènè ti Jésus Melègué ti Lo assoukoula siokpari kouè ti ani." (1 Jean 1:7).

4. **Fadé Lo mou na mo tâ' fini ...fini ti la' kouè la' kouè.** Jésus atènè, "jo so ama tènè ti Mbi na ama na bè na Lo so ato Mbi, jo so ayèké na **fini ti la' kouè la' kouè**, na lo si na mbanga pèpé, mais lo ho kouli aouè, lo si na fini." (Jean 5:24). "Tonga so, tonga na mbèni jo ayèké na ya Christ, lo yèké jo-ti-fini. Yé ti guiriri aho aouè: ba, fini yé assi aouè." (2 aCor. 5:17).

5. Fadé bè ti mo adè, na mo ouara tâ' siriri. "Tonga so, tètè A diko ani ajo ti mbilimbili aouè na lègué ti mabè, ani yèké na siriri na Nzapa na lègué ti Seigneur ti ani Jésus-Christ." (aRom. 5:1). "Na tènè ti témoin ayèké so: Nzapa amou fini ti la' kouè la' kouè na ani aouè, na **fini so ayèké na ya Melègué ti Lo. Jo so ayèké na Melègué**

ni ayèké na fini: jo so ayèké na Melènguè Ti Nzapa pèpé ayèké na fini pèpé. Mbi sala yé so na mbèti na i so i ma na bè na iri ti Melènguè Ti Nzapa, **si i lingbi hinga i yèké na fini ti la' kouè la' kouè.**" (1 Jean 5:11-13).

LÈGUÉ TI TAMBELA NA LÈGUÉ TI FINI.

1. **Diko Mbèti ti Nzapa la' na la'.** Mbèti ti Nzapa ayèké Lumière tètì lègué ti ani, na A yèké kobé tètì âme ti ani. "I sala tonga na aforoto, a lingbi i yè dulait so ayèké na handa oko pèpé, tètì yingo ti i, si i lingbi ga kota na ya salut." Mo hounda Nzapa ti sala na mo na lègué ti Yingo Voulou si mo hinga tènè kouè ti Nzapa.
2. **Ga ndoulou na Nzapa la' na la' na lègué ti sambela;** hounda Nzapa na iri ti Jésus. "I gui bè ti i na yé oko pèpé; mais na ya yé kouè i fa na Nzapa yé so i yè, na lègué ti sambela na ti hounda mingui na tènè ti merci. Na fadé siriri ti Nzapa so aho bibè kouè abata bè ti i na abata bibè ti i na ya Christ Jésus." (aPhil. 4:6-7).
3. **Fa tènè ti témoin ti Christ na ambèni jo.** "Mo gouè na kodro ti mo na aita ti mo, mo fa na ala kota yé so Seigneur assala tètì mo, na lègué so Lo sala bèndjoni na mo." (Mark 5:19).
4. **Kpè na Seigneur na l'heure ti handa.** "Tètì Lo hou pono na ya handa guiriri, Lo lingbi sala na ala so yé ahanda ala." (aHéb. 2:18).
5. **Fa siokpari ti mo fadé fadé na Nzapa tonga na mo ti' na siokpari.** "Tonga na ani tènè siokpari ti ani na guigui, Lo yèké Bè-Tâ-Jo, na Jo Ti Mbilimbili, na fadé Lo pardonné siokpari ti ani na Lo soukoula yé ti kirikiri kouè ti ani." (1 Jean 1:9).
6. **Manqué bongbi ti auamabè pèpé.** "A lingbi ani djia ti bongbi pèpé, tonga na ti ambèni jo so adjia lègué ti bongbi, mais ani oua tèlé ti ani na ambèni jo, na a lingbi i oua tèlé ti i mingui aho tètì i ba so la' ni aga ndoulou." (aHéb. 10:25).
7. **Ma Nzapa la' kouè.** "Tonga na jo andoyè Mbi, fadé lo bata tènè ti Mbi." (Jean 14:23).
8. **Djia mbito assala mo pèpé tètì Christ ayèké na mo.** "Fadé Mbi djia ti sala na mo pèpé, na Mbi djia mo la' oko pèpé." (aHéb. 13:5).
9. **Mou mo mvèni na ti ti Seigneur Jésus-Christ.** "Djia lègué ti mo na ti ti L'Eternel; djia bè ti mo na Lo, na fadé Lo sala yé." (Psaume 37:5).

Nous vous invitons à nous contacter pour faire des arrangements concernant de nouvelles traductions de notre littérature nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)